



REPUBLIKA E SHQIPËRISË
UNIVERSITETI I MJEKËSISË, TIRANË
SENATI AKADEMIK

Nr. 846/9 prot.

Tiranë, më 10 / 03 / 2023

VENDIM
Nr. 23, datë 10 . 03 . 2023

PËR
DISA NDRYSHIME NË VENDIMIN NR. 41, DATË 29.04.2022 "PËR MIRATIMIN E RREGULLORES MBI BOTIMET MËSIMORE-SHKENCORE NË UNIVERSITETIN E MJEKËSISË, TIRANË"

Në bazë të nenit 3, 38 e vijues të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", të nenit 5, 24, 26 e nenet në vijim të Statutit të Universitetit të Mjekësisë, Tiranë, të nenit 6, 22 e vijues të Rregullores së Universitetit të Mjekësisë, Tiranë, si dhe Vendimit të tij nr. 41, datë 29.04.2022 "Për miratimin e rregullores mbi botimet mësimore – shkencore në Universitetin e Mjekësisë, Tiranë", Senati Akademik i UMT-së pasi shqyrtoi dhe diskutoi mbi propozimet mbi disa ndryshime në Rregulloren mbi botimet mësimore-shkencore të miratuar nga Këshilli i Botimeve në Universitetin e Mjekësisë, Tiranë,

VENDOSI:

1. Në Rregulloren "Rregulloren mbi botimet mësimore-shkencore në Universitetin e Mjekësisë, Tiranë" të miratuar me Vendim të Senatit Akademik nr. 41, datë 29.04.2022 "Për miratimin e Rregullores mbi botimet mësimore-shkencore në Universitetin e Mjekësisë, Tiranë" të ndryshohet neni 3, pika III/2 dhe neni 6, pika 7 si më poshtë:

Neni 3
Përkufizime

III. Përkufizimi i "Monografisë"

2. Të paktën 70% e përmbajtjes së monografisë duhet t'i dedikohet punës origjinale të autorit në fushën përkatëse. Përpara kërkesës për botim të monografisë, autori duhet të provojë kontributin e tij origjinal në fushën përkatëse nëpërmjet artikujve shkencore të publikuar në fushën që trajton monografia, ndër të cilët, të paktën një artikull të jetë i botuar nga autori si autor i parë në një revistë ndërkombëtare të indeksuar Scopus, Pubmed ose Web of Science në 5 vitet e fundit.

Neni 6
Kërkesat për autorët

7. Në rastin e kërkesës për botim të një monografie, autori duhet të paraqesë edhe evidencën e publikimit të të paktën një artikulli sipas specifikimeve të nenit 3, pika III, si dhe të plotësojë kriteret e përcaktuara në nenin 8, pika 1a të rregullores për fitimin e titujve akademikë në Universitetin e Mjekësisë, Tiranë : *“Botimi i 1 (një) monografie shkencore, e botuar pas fitimit të gradës shkencore “Doktor”, brenda ose jashtë vendit, e cila duhet të përmbushë kushtet e origjinalitetit dhe duhet të jetë vlerësuar në përmbajtje si punim shkencor nga, të paktën, 2 (dy) vlerësues të pavarur të fushës kërkimore-shkencore, dhe të jetë pranuar nga njëسيا bazë, që mbulon fushën e kërkimit. Monografia shkencore e botuar jashtë vendit konsiderohet e vlefshme nëse shtëpia botuese është e rankuar nga SENSE Ranking of Academic Publishers, në kategorinë A, B, C dhe D. Monografitë konsiderohen të ndryshme nëpërmjet tyre kur ndryshojnë në përmbajtje me, të paktën, 70%. Monografia e botuar brenda vendit duhet të jetë e vlerësuar në përmbajtje si punim shkencor nga, të paktën, 2 (dy) “Profesorë” të fushës kërkimore-shkencore, nga të cilët, të paktën njëri prej tyre duhet të jetë nga vendet anëtare të BE-së, OECD- së ose G20-ës.”.*

2. Të miratojë ndryshimet e përcaktuara në pikën 1 të këtij vendimi mbi Rregulloren mbi botimet mësimore-shkencore në Universitetin e Mjekësisë, Tiranë (*bashkëlidhur këtij vendimi*).
3. Ngarkohen për zbatimin e këtij vendimi Këshilli i Botimeve, njësitë kryesore të Universitetit të Mjekësisë, Tiranë, Këshilli i Etikës, Njësia e Sigurimit të Brendshëm të Cilësisë si dhe Komisionet e Përhershme në Universitetin e Mjekësisë, Tiranë.
4. Ky vendim hyn në fuqi menjëherë dhe publikohet në faqen zyrtare (web) të UMT-së.

KRYETARI

PROF. ARBEN GJATA





WWW.UIMFD.EDU.AL



REPUBLIKA E SHQIPËRISË

UNIVERSITETI I MJEKËSISË, TIRANË

RREGULLORE MBI BOTIMET MËSIMORE – SHKENCORE NË UNIVERSITETIN E MJEKËSISË, TIRANË

**Miratuar me Vendimin e Senatit Akademik të Universitetit të Mjekësisë, Tiranë nr. 41,
datë 29.04.2022,**

**Ndryshuar me Vendimin e Senatit Akademik nr. 23, datë 10.03.2023 “Për disa ndryshime
ne Vendimin nr. 41, datë 29.04.2022 “Për miratimin e rregullores mbi botimet mësiore
shkencore në Universitetin e Mjekësisë, Tiranë”**

TIRANË 2022

Përpiluar në referim të rregullores së mëparshme mbi Botimet në Universitetin e Mjekësisë, Tiranë

RREGULLORE
MBI BOTIMET MËSIMORE – SHKENCORE NË
UNIVERSITETIN E MJEKËSISË, TIRANË

Neni 1
Baza ligjore

1. Ligji nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”;
2. Statuti i Universitetit të Mjekësisë, Tiranë;
3. Rregullorja e Universitetit të Mjekësisë, Tiranë;
4. Aktet të tjera nënligjore që rregullojnë/normojnë botimet në institucionet publike të arsimit të lartë.

Neni 2
Botimet Mësimore – Shkencore në Universitetin e Mjekësisë, Tiranë

1. Botimet kryesore mësimore-shkencore të Universitetit të Mjekësisë, Tiranë, objekt i shqyrtimit dhe miratimit nga Këshilli i Botimeve përfshijnë:
 - a. Tekstet mësimore për studentët;
 - b. tekstet formues dhe shkencore për ciklin e tretë të studimeve dhe për edukimin në vazhdim të profesionistëve në fushat e mjekësisë dhe monografitë.
2. Përbëjnë objekt miratimi në Këshillin e Botimeve edhe përkthimet, ribotimet si dhe tekste të tilla si:
 - a. libër ushtrimesh,
 - b. praktikume laboratorike,
 - c. atllase,
 - d. albume,
 - e. Fjalorë të terminologjive mjekësore, etj.
3. Të gjitha botimet e miratuara duhet të përmbajnë elementë të mirëfilltë të ekselencës pedagogjike dhe kërkimit shkencor.
4. Autorë të teksteve që miratohen nga Këshilli i Botimeve janë anëtarë të stafit akademik të UMT me eksperiencë akademike dhe shkencore.
5. Autorët e teksteve që paraqiten për miratim duhet të gëzojnë të paktën gradën shkencore “Doktor”.

Neni 3 Përkufizime

I. Përkufizim i Tekstit Mësimor

1. Tekstet mësimore përfaqësojnë një botim akademik me natyrë shkencore dhe pedagogjike në lëndët mësimore të Universitetit të Mjekësisë, Tiranë dhe shkruhen plotësisht nga një autor, apo grup autorësh, të cilët ndajnë autorësinë e botimit për të gjithë tekstin, ose për kapituj të veçantë të tij. Tekstet mësimore përmbajnë kryesisht materiale pedagogjike që sjellin një kontribut të ri të rëndësishëm në procesin mësimor të shkencave mjekësore dhe shërbejnë si tekst bazë për lëndën përkatëse. Ata pajisen me numër ISBN dhe duhet të botohen nga një shtëpi botuese e njohur ligjërisht.
2. Teksti mësimor duhet të jetë i mbështetur në programin mësimor të lëndës përkatëse, të aprovuar nga dekanati përkatës, Këto tekste duhet të përmbajnë një numër faqesh që nuk kalon 10-15 faqe për temë mësimore format A4, shkrimi Times New Roman, numri i shkronjës 12, hapësirë njëshe mes rreshtave dhe bordet e faqes normale (1,1,1,1). Autori i një teksti mësimor duhet të ketë të paktën gradën shkencore “Doktor”.

II. Përkufizimi i “Tekstit Shkencor” për studentë të ciklit të tretë të studimeve dhe për profesionistët

1. Tekstet shkencorë përfaqësojnë një punë madhore akademike me natyrë shkencore dhe profesionale në fushat dhe disiplinat e shkencave mjekësore dhe shkruhen plotësisht nga një autor, apo grup autorësh, të cilët ndajnë autorësinë e botimit për të gjithë tekstin. Tekstet shkencore përmbajnë kryesisht material të pabotuar më parë dhe sjellin një kontribut të ri të rëndësishëm në një fushë të caktuar të shkencave mjekësore, gjithashtu këto pajisen me numër ISBN. Tekstet shkencore duhet të botohen nga një shtëpi botuese e njohur ligjërisht, ku përfshihet edhe Universiteti i Mjekësisë, Tiranë, për botimet e financuara prej tij.
2. Autori/autorët e tekstit shkencor të hartuar për studentet e ciklit të tretë dhe për profesionet duhet të kenë të paktën gradën shkencore “Doktor” dhe të jenë autoritete shkencore në disiplinën që trajtohet. Këto tekste duhet të përmbajnë informacion shkencor të azhurnuar në fushën përkatëse, të bazuar kryesisht në “evidence-based medicine”. Tekste të tillë duhet të kenë referenca shkencore bashkëkohore të cituara në tekst dhe të referuara në bibliografinë shkencore në fund të çdo kapitulli.

III. Përkufizimi i “Monografisë”

1. Monografia përkufizohet si një trajtim shkencor origjinal në një fushë të veçantë të një discipline shkencore. Zakonisht monografitë hartohen nga një autor i vetëm, i cili ka përvojë dhe ka dhënë kontribut origjinal në fushën përkatëse të dokumentuar nëpërmjet artikujve shkencore.



2. Të paktën 70% e përmbajtjes së monografisë duhet t'i dedikohet punës origjinale të autorit në fushën përkatëse. Përpara kërkesës për botim të monografisë, autori duhet të provojë kontributin e tij original në fushën përkatëse nëpërmjet artikujve shkencore të publikuar në fushën që trajton monografia, ndër të cilët, të paktën një artikull të jetë i botuar nga autori si autor i parë në një revistë ndërkombëtare të indeksuar Scopus, Pubmed ose Web of Science në 5 vitet e fundit.¹
3. Autori i monografisë duhet të ketë të paktën gradën shkencore “Doktor”.

Neni 4

Kriteret dhe Standardet e vlerësimit të botimeve

- I. Kriteret dhe standardet e vlerësimit të teksteve mësimore, monografive dhe teksteve shkencore përfshijnë:
 1. Baraspeshën e paraqitjes së përmbajtjes dhe mbulimit të tematikës së përshkruar;
 2. Originalitetin dhe forcës argumentuese të qëllimit të studimit, të shpalosur në një përjasje inovative, me elementë shkencore unikë, që çojnë përpara nivelin e përgjithshëm të dijeve në një fushë të caktuar;
 3. Strukturën logjike, koherencë tematike dhe organizimin efektiv të punimit;
 4. Respektimin e standardeve akademike të UMT-së;
 5. Prova të qarta të lexueshmërisë së mirë të materialit dhe të nevojave të target grupeve të përdoruesve të informacionit të paraqitur;
 6. Argumentimin e qartë sesi materiali i paraqitur do të përmirësojë nivelin e dijeve, krahasuar me botimet ekzistuese;
 7. Vlerat akademike të autorit, që përfshijnë listën e tij të botimeve, vlerësimet e marra, përkthimet apo publikimet e tjera të kaluara në proces;
 8. Referencat dhe recensat e specialistëve të njohur të fushës së studimit;
 9. Planin e fizibilitetit të botimit.

Neni 5

Recensentët e publikimeve shkencore

1. Këshilli i Botimeve shqyrton paraprakisht dorëshkrimet e paraqitura për miratim, për të vlerësuar nëse janë në përputhje me procedural dhe kriteret e miratuara. Kur janë konform kriterëve Këshilli ja përcjell oponentëve (recensentëve) sipas tipit të tekstit.
2. Recensentët duhet të jenë figura të spikatura akademike dhe profesionale të shkencave mjekësore me të paktën 15 vjet eksperiencë profesionale dhe akademike dhe titullin shkencor të paktën “Profesor i Asociuar”.

¹ Ndryshuar me Vendimin e Senatit Akademik nr. 23, datë 10.03..2023 “Për disa ndryshime në Vendimin nr. 41, datë 29.04.2022 “Për miratimin e rregullores mbi botimet mësimore shkencore në Universitetin e Mjekësisë, Tiranë”

3. Recensentët dhe Këshilli i Botimeve mbajnë përgjegjësi për cilësinë dhe nivelin profesional dhe shkencor të dorëshkrimeve të pranuar, Recensentët duhet ti përkasin fushave të përafërta të studimit dhe ekspertizës me fushën e tekstit të paraqitur për botim.

Neni 6

Kërkesat për autorët

1. Si rregull, autorët i aplikojnë kërkesat për miratimin e dorëshkrimeve të tyre në njësinë bazë (departament) ku ata zhvillojnë aktivitetin akademik ose në një njësi bazë të përafërt në varësi të tematikës që mbulon teksti. Një muaj pas dorëzimit, departamenti e përcjell dorëshkrimin me komentet eventuale, nëpërmjet dekanatit përkatës në Rektoratit e UMT-së. Përcjellja bëhet në zyrën e protokollit të UMT-së dhe në shkresën përcjellëse cilësohet që kërkesa i drejtohet edhe Këshillit të Botimeve të UMT-së.
2. Autori duhet ta dorëzojë dorëshkrimin në 3 (tri) kopje të printuara në format A4, të shkruara me karakter gërmë "Times New Roman" dhe madhësi gërme 12, me dubël spaciaturë në të gjitha nivelet e tekstit, së bashku me një kopje elektronike, version Word, të publikimit në CD.
3. Organizimi i dorëshkrimit duhet të ndjekë skemën e mëposhtme:
 - a. Faqja e titullit, që përmban titullin e punimit, emrin e plotë të autorit/autoreve dhe përkatësinë profesionale dhe akademike të tyre;
 - b. Pasqyra e lëndës, që përmban titujt e kapitujve, të karakterit informues – deskriptiv;
 - c. Kapitujt konsektivë të dorëshkrimit, ku çdo kapitull fillon në një faqe të re;
 - d. Apendikset ose Shtojcat (nëse ka të tilla);
 - e. Referencat.
4. Tabelat dhe figurat duhet të vendosen në një faqe me vete, në vijim të tekstit ku referohen.
5. Çdo dorëshkrim duhet të shoqërohet me një letër shoqëruese apo kërkesë ku autori/autorët konfirmojnë:
 - a. Originalitetin e punimit,
 - b. Dakordsinë me tematikën e paraqitur,
 - c. Raportin me konfliktin e interesit,
 - d. Respektimin e Kodit të Etikës në Kërkimin Shkencor dhe të drejtës së privatësisë dhe konfidencialitetit për subjektet humanë të paraqitur, veçanërisht për fëmijët.
6. Në rastin e teksteve mësimore, autori duhet të paraqesë edhe planin mësimor të lëndëve për të cilën teksti është hartuar. Ky plan mësimor duhet të jetë i konfirmuar nga njësia kryesore përkatëse.
7. Në rastin e kërkesës për botim të një monografie, autori duhet të paraqesë edhe evidencën e publikimit të të paktën një artikulli sipas specifikimeve të nenit 3, pika III, si dhe të plotësojë kriteret e përcaktuara në nenin 8, pika 1a të rregullores për fitimin e titujve akademikë në

Universitetin e Mjekësisë, Tiranë : “Botimi i 1 (një) monografie shkencore, e botuar pas fitimit të gradës shkencore “Doktor”, brenda ose jashtë vendit, e cila duhet të përmbushë kushtet e origjinalitetit dhe duhet të jetë vlerësuar në përmbajtje si punim shkencor nga, të paktën, 2 (dy) vlerësues të pavarur të fushës kërkimore-shkencore, dhe të jetë pranuar nga njësisia bazë, që mbulon fushën e kërkimit. Monografia shkencore e botuar jashtë vendit konsiderohet e vlefshme nëse shtëpia botuese është e rankuar nga SENSE Ranking of Academic Publishers, në kategorinë A, B, C dhe D. Monografite konsiderohen të ndryshme nëpërmjet tyre kur ndryshojnë në përmbajtje me, të paktën, 70%. Monografia e botuar brenda vendit duhet të jetë e vlerësuar në përmbajtje si punim shkencor nga, të paktën, 2 (dy) “Profesorë” të fushës kërkimore-shkencore, nga të cilët, të paktën njëri prej tyre duhet të jetë nga vendet anëtare të BE-së, OECD- së ose G20-ës.”².

8. Ne çdo rast autori duhet të paraqesë edhe evidencën e gradës/titullit shkencor që mbart.
9. Dorëshkrimi duhet të jetë i korrektuar nga ana letrare dhe i redaktuar nga ana shkencore.
10. Formularët e nevojshëm për procesin e aplikimit të dorëshkrimeve hartohen dhe miratohen nga Këshilli i Botimeve i Universitetit të Mjekësisë, Tiranë.

Neni 7

Procedura e recensimit

1. Këshilli i Botimeve në UMT shqyrton dhe eventualisht miraton, botimin e publikimeve në bazë të miratimit me shkrim të të paktën dy recensentëve (në rastin e teksteve për ciklin e tretë dhe porfesionistë, numri i recensentëve është 3) të fushës përkatëse.
2. Recensentët caktohen në konfidencialitet nga Kryetari i Këshillit të Botimeve dhe identiteti i tyre mbahet i fshehtë deri në përfundimin e recensimit. Preferohet që recensentët të mos jenë anëtarë të shërbimit/njësisë ku bën pjesë edhe autori/autorët e teksteve.
3. Punën redaktuese për një dorëshkrim, recensentët janë të detyruar ta përfundojnë brenda një periudhe së shumti 30 (tridhjetë) ditore nga dorëzimi zyrtar i materialit nga autori, i cili mban përgjegjësi të plotë për cilësinë dhe origjinalitetin e punimit. Dorëshkrimet e publikimeve shkencore i nënshtrohen recensimit prej së paku 2 (dy) autoritetesh akademike të fushës përkatëse. Recensentët janë të detyruar të shkruajnë recensionin me përfundim pozitiv apo negativ në një raport të argumentuar; të ndarë nga njëri – tjetri.
4. Dorëshkrimi pranohet për vazhdimin e procedurës, kur të dy recensionet janë pozitivë (në rastin e teksteve shkencore për ciklin e tretë të studimeve dhe për profesionistët, të paktën dy nga 3 (tri) recensentët duhet të kenë shprehur opinion pozitiv); në të kundërtën i kthehet autorit për ripunimin e materialit, bazuar në vërejtjet e bëra. Nëse autorët nuk i plotësojnë vërejtjet e bëra nga recensentët brenda afatit të përcaktuar nga Këshilli i Botimeve për ripunimin e materialit, pa arsye madhore të dokumentuara, konsiderohet se kanë hequr dorë nga vazhdimi i procedurës së mëtejshme të botimit.

² Ndryshuar me Vendimin e Senatit Akademik nr. 23, datë 10.03.2023 “Për disa ndryshime në Vendimin nr. 41, datë 29.04.2022 “Për miratimin e rregullores mbi botimet mësiore shkencore në Universitetin e Mjekësisë, Tiranë”

5. Në rastet e mospajtimit dhe konfliktit midis autorit dhe recensentëve, vendimin përfundimtar e merr Këshilli i Botimeve, UMT.
6. Përparësi botimi dhe financimi në UMT kanë tekstet mësimorë të lëndëve që zhvillohen në UMT.
7. Botimet e tjera të tilla si përmbledhje ushtrimesh, praktika laboratorike, fjalore, albume etj ndjekin procedurën e shqyrtimit dhe miratimit të tyre në Këshillin e Botimeve sipas përkatësisë së tyre në qëllimin e tekstit dedikuar studentëve apo dedikuar profesionistëve të mjekësisë apo studentëve të ciklit të tretë.

Neni 8

Formati zyrtar i publikimeve në UMT

1. Publikimet e Universitetit të Mjekësisë, Tiranë, përmbajnë në kopertinë: emrin e Universitetit; emrin e Fakultetit përkatës; emrin dhe mbiemrin bashkë me titullin akademik të autorit/autorëve; titullin e tekstit; logon e Universitetit; vendin dhe vitin e botimit. Faqja e parë e tekstit është e njëjtë me kopertinën, por e shtypur në bardhë e zi (pa ngjyra); në faqen e dytë shënohen emrat dhe titujt e recensentëve, redaktorit, të botuesit, ISBN dhe në fund të faqes numri i vendimit të Këshillit Botues me këtë përmbajtje: "*Këshilli Botues i Universitetit të Mjekësisë, Tiranë lejoi botimin e kësaj/këtij monografie/teksti me vendimin Nr. _____ , datë ____ ; ____ , _____ .*" Më tej vijojnë pasqyra e lëndës, që përmban titujt e kapitujve; parathënia; kapitujt konsektivë; apendikset ose shtojcat dhe referencat. Në tekstet shkencore të dedikuara studentëve të ciklit të tretë dhe profesionistëve, referencat duhet të vendosen në fund të çdo kapitulli. Në faqen e fundit shënohen emri, mbiemri dhe titulli i autorit/autorëve, emri, mbiemri dhe titulli i recensentëve, redaktorit shkencor, redaktorit letrar, realizuesit kompjuterik dhe autorit të ilustrimeve grafike dhe artistike. Në publikim shënohen mbajtësit e të drejtës së autorit dhe fraza "*Të gjitha të drejtat e autorit mbrohen më ligj*". Në të gjitha faqet e tekstit duhet të figurojë si *header* emri i autorit dhe titulli i publikimit. Në faqen e fundit të tekstit botohet katalogimi bibliografik i Bibliotekës Kombëtare (CIP) dhe ISBN.

Neni 9

Përkthimet në UMT

1. Në përkthimet e autorizuara, autori/autorët paraprakisht duhet të kontaktojë me shtëpitë botuese përkatëse apo me autorët dhe të informohen për kushtet ligjore të transferimit të të drejtës së autorit. Pas marrjes së informacionit dhe identifikimit të bartësit të të drejtës së autorit, Këshilli i Botimeve i UMT-së, pas marrjes së vendimit pozitiv për përkthimin, i drejtohet zyrtarisht shtëpisë botuese përkatëse për autorizimin e të drejtës së përkthimit në gjuhën shqipe. Vetëm pas marrjes së autorizimit, autori/autorët mund të fillojnë përkthimin dhe teksti i përkthyer do të ndjekë të gjitha procedurat e përshkruara në nenet 5, 6, 7 dhe 8 të kësaj rregulloreje, deri në dhënien e lejes për botim, njëjloj me publikimet e tjera.

Neni 10
Detyrimet e autorëve

1. Çdo publikim jashtë kriterëve të përcaktuara në këtë rregullore, konsiderohet botim pa leje dhe nuk ka vlerë akademike universitare.
2. Pas botimit, autori është i detyruar t'i dorëzojë:
 - a. Rektoratit UMT – 1 kopje
 - b. Dekanatit përkatës – 1 kopje
 - c. Këshillit të Botimeve, UMT – 1 kopje
 - d. Bibliotekës UMT – 2 kopje
 - e. Bibliotekës së Fakultetit përkatës – 2 kopje
 - f. Bibliotekës Kombëtare – 3 kopje.

Neni 11
Aprovimi dhe modifikimi i rregullores

1. Kjo Rregullore e Këshillit të Botimeve miratohet paraprakisht nga Këshilli i Botimeve me 2/3 e votave të të gjithë anëtarëve.
2. Ajo mund të modifikohet me iniciativë të Kryetarit, Zv. Kryetarit ose me kërkesën e 2/3 te anëtarëve të pranishëm të Këshillit të Botimeve.
3. Miratimi përfundimtar i kësaj rregulloreje bëhet nga Senati Akademik i Universitetit të Mjekësisë, Tiranë.

Neni 12
Shfuqizime

1. Me hyrjen në fuqi të kësaj rregulloreje, Rregullorja e mëparshme mbi Botimet në Universitetin e Mjekësisë, Tiranë, shfuqizohet.

Neni 13
Hyrja në fuqi

1. Kjo rregullore hyn në fuqi menjëherë pas miratimit nga Senati Akademik i Universitetit të Mjekësisë, Tiranë.

Miratuar nga Senati Akademik i Universitetit të Mjekësisë, Tiranë, më datë 29.04.2022 dhe ndryshuar më 10.03.2023

KRYETAR I SENATIT AKADEMIK
Prof. ARREN GJATA

